

## **Scoil Chearbhaill Uí Dhálaigh**

### **BEARTAS TINRIMH 2017**

#### **RÉAMHRÁ**

Tá tradisiún sármhaith tinrimh, 95% ar an meán, i measc dhaltáí Scoil Uí Dhálaigh. Cibé ar bith, de bharr athruithe ar shochaí na tíre tá sé riachtanach go gcuirfí ina luí ar thuismitheoirí an gá a bhaineann le tinreamh rialta poncúil na ndaltáí agus iad a bheith lánnullamh d'obair na scoile. Tá sé mar chuspóir againn an dea-thinreamh a chothú agus a mholadh, chomh maith le daltaí a mbeadh fadhbanna tinrimh acu a aithint, agus tacaíocht a thabhairt dóibh sin chun an tinreamh a fheabhsú.

Cothaíonn tinreamh rialta ar scoil dea-nósanna rialtacht agus poncúlachta sa pháiste a bheidh ina mbunchlocha do shaol na meánscoile sa todhchaí agus san ionad oibre níos déanaí.

De réir an dlí, caithfidh páiste freastal go rialta ar scoil go dtí go mbíonn sé bliana déag d'aois sroichte aige/aici nó go mbíonn 3 bliana iarbhunoidéachais críochnaithe aige/aici.

#### **TUAIRISCIÚ**

Tá ceanglais ar gach scoil faoin **ACHT OIDEACHAIS (LEAS) 2000** maidir le tuairisciú doTUSLA.

Tá de cheangal ar na scoileanna asláithreachtaí daltaí a thuairisciú, chomh mhaith leis cúiseanna na n-asláithreachtaí sin ionas gur féidir le hOifigigh Leasa Oideachais cinneadh a dhéanamh más gá, maidir leis an idirghabháil is oiriúnaí do leasa oideachais an pháiste sin.

Tá sé de dhualgas ar an scoil tuairisc a chur ar fáil faoi dhalta ar leith nuair

- ... a bhíonn dalta as láthair ar feadh 20 lá ar bhonn carnach
- ... a bhíonn imní ar Phríomhoide faoi thinreamh dalta
- ... a chinneann Bord Bainistíochta scoile dalta a dhíbirt as an scoil
- ... a bhíonn dalta 6 lá ar fionraí ón scoil ar bhonn carnach
- ... a chinntear go mbainfí ainm dalta de rolla na scoile, cibé cén fáth.

#### **RÓL na dTUISMITHEOIRÍ / na gCAOMHNÓIRÍ**

(Sa bheartas seo usáidtear an téarma 'tuismitheoir' ach tharlódh gur caomhnóir a bheadh i gceist i gcásanna áirithe.) Iarrtar ar pháiste bheith ar scoil go rialta. Mar thuismitheoir, tá sé tábhachtach go gcuirfeá in iúl don scoil má bhíonn do pháiste as láthair, cúis na h-asláithreachta sin. Tá sé mar pholasáí ag an scoil go dtabharfaí na cúiseanna sin i scríbhinn. Leanann an scoil na cleachtais a luaitear san alt thuas. Más rud é go bhfuil an páiste breoite, nó go bhfuil cúis mhaith eile leis an asláithreacht, ní ghníomhóidh Tusla. Ar an lámh eile, más rud é go bhfuil imní ann faoi fhreastal scoile an pháiste nó faoi na cúiseanna a thugtar leis an asláithreacht, tabharfaidh Oifigeach Leasa Oideachais (OLO) cuairt ort chun oideachas do pháiste a phlé leat. Oibreóidh an tOifigeach leat agus cuirfear gach cúnise teaghlach agus eile san áireamh sula ndéanfar aon chinneadh maidir le

gníomhú, chun a chinntiú go bhfaigheann an páiste an t-oideachas atá de cheart aige/aici a fháil. Tá eolas faoin tseirbhís ar fáil ón líne Tacaíochta Oideachais Náisiúnta 1890 36 36 66. Is OLO a phléann leis an bpobal ar an líne tacaíochta seo. Is fiú do thuismitheoirí an leabhrán “Ná bíodh do leanbh sa thíos leis” (BNLO) a léamh. Gach eolas le fáil ar [www.newbtusla.ie](http://www.newbtusla.ie).

## **MAR A DHÉANTAR MONATÓIREACHT AR THINREAMH**

Breacraí tinreamh an dalta go leictreonach tríd an gcóras Aladdin idir 9.50 agus 10.00 gach lá: 40 nóiméad tar éis tosach theagaisc an lae. Ní mór do thuismitheoirí nóta scríofa a chur ar fáil i gcás gach asláithreachta. Déanann an múinteoir taifead leictreonach de gach nóta. Caithfear nóta mínithe, nó teastas dochtúra nuair is cuí a chur ar fáil i leith gach asláithreachta, luathfhágáil na scoile nó má tá an dalta déanach ar maidin, san áireamh. Tá sé de cheart ag scoil údarhacht na nótaí seo a cinntiú in am ar bith. Déantar an leabhar rolla a mharcáil de réir córas na Roinne Oideachais aguss Scileanna. Má bhíonn an dalta as láthair ag am rolla marcáil as láthair é/í, Ní féidir an marc seo a athrú. Sa chás go dtagann páiste ar scoil tar éis an rolla déanta beidh nóta tógtha go raibh an dalta déanach an lá sin cé go mbeidh siad fós as láthair. Moltar teagmháil a dhéanamh len scoil i gcónaí ach mura bhfuil páiste ina s(h)uí don rolla glacfar leis go bhfuil sé/sí as láthair.

Má tharlaíonn go bhfágann dalta an scoil gan chead cuirfear scéala láithreach chuig na thuismitheoirí ar bhonn práinne agus cuirfear an scéal in iúl don nGarda Síochána. I gcás daltaí a thagann ar scoil ar a gconlán féin, deighleáil leo mar seo a leanas má thagann siad isteach déanach :

1. Tugann an t-oide ranga rabhadh ó bhéal don dalta gach uile uair go dtagann sé/sí ar scoil mall gan míniú i scríbhinn. Síníonn an dalta an cóipleabhar speisialta do dhaltaí a thagann déanach. Bíonn sé seo ar fáil taobh amuigh d'oifig an rúnaí.

2. Má thugtar faoi deara patrún teacht déanach ar scoil gan míniú i scríbhinn .i. go mbíonn an dalta mall trí mhaidin in imeacht thréimhse míosa, scríobhann an t-oide ranga nóta i ndialann obair bhaile an dalta a atá le síniú ag an thuismitheoir..

3. Má bhíonn an dalta mall arís ina dhiaidh sin .i. an ceathrú huair, seolann an príomhoide nóta abhaile chuig na thuismitheoirí maille le cóip a bheidh le síniú ag an thuismitheoir mar chruthú gur léigh siad an nóta.

4. Má leanann an patrún teacht déanach ar scoil ina dhiaidh sin, tabharfaidh an Príomhoide cuireadh do na thuismitheoirí teacht chun na scoile chun an fhadhb a phlé agus chun iarracht a dhéanamh teacht ar a réiteach. Is ionann bheith déanach agus teacht ar scoil tar éis 9.10 r.n.

## **CUMARSÁID LEIS AN TUISMITHEOIRÍ/CAOMHNÓIRÍ**

Nuair a bhíonn tinreamh dalta ina ábhar imní don scoil déanann an scoil teagmháil foirmeálta leis na tuismitheoirí mar seo a leanas :

(a) Glao gutháin ón scoil chuig na tuismitheoirí má bhíonn 5 lá scoile as a chéile cailte ag an dalta.

(b) Sa chás go mbíonn dalta as láthair 6 lá scoile as a chéile gan leithscéal, cuirfear nóta chuig na tuismitheoirí ina dtabharfar cuireadh dóibh teacht chun na scoile chun na hasláithreachtaí a phlé leis an bpríomhoide agus chun plean a chur le chéile chun an fhadhb a réiteach.

(c) Sa chás go mbíonn páiste as láthair níos mó ná 15 lá as 20 lá scoile gan míniú sásúil cuirfear nóta chuig na tuismitheoirí i bhfoirm rphost ag tabhairt cuirthe dó/di/dóibh teacht chun na scoile chun an fhadhb a phlé chun teacht ar réiteach agus ag meabhrú go mbeidh sé de dhualgas ar an scoil an cás a chur chuig an Tusla má bhíonn an dalta as láthair 20 lá ar bhonn carnach.

Nóta : Ní mór a rá anseo nach gcuirtear aon phíonós ar pháiste mar gheall ar athláithreachtaí nó i gcás neamhphoncúlachta nach mbíonn neart acu air.

## **COTHÚ AN DEA-THINRIMH AGUS NA PONCÚLACHTA**

... Déantar páistí a mholadh go rialta ar bhealach foirmeálta agus go neamhfhoirmeálta as dea-thinreamh. Déantar sin ar bhealach neamhiomaíoch caoin cneasta le nach gcuirtear náire ar dhaltá a bhíonn as láthair ar chúiseanna dlisteannacha nó ar chúiseanna nach mbíonn neart acu féin orthu.

... Tugtar duaiseanna doBronntar teastais de chuid Tusla ar pháistí as tinreamh iomlán don bhliain, má bíonn a leithéid i gceist. Mura mbíonn lántinreamh ag aon dalta, tugtar aitheantas dóibh siúd is fearr tinrimh.

... Iarrtar ar thuismitheoirí gan laethanta saoire a bheartú le linn laethanta scoile chun nach gcuirtear isteach ar leanúnachas na foghlama nó ar obair i ngrúpaí a bheadh ar siúl sa rang. Níl aon dualgas ar mhuinteoirí obair scoile a thabhairt don dalta le déanamh le linn asláithreachta.

... Bronntar Gradam Tinrimh ag deireadh Rang 6 ar an dalta is fearr tinrimh trí na hocht mbliana ar scoil.

### **Athbhreithniú:**

Dréachtadh an beartas seo i gcomhairle leis an bPríomhoide mBord Bainistíochta agus le múinteoirí agus le tuismitheoirí na scoile. Tiocfaidh sé i bhfeidhm ar an 04/01/17. Déanfar athbhreithniú air sa scoilbhliain 2019/20 nó níos luaithe má's léir go mbíonn sin riachtanach.

Arna shíniú ag..... Dáta.....

Cathaoirleach an Bhord Bainistíochta